

E Swing Di Carnaval

E ELECCION PA REINA DI COASTAL E AÑA AKI TA PRIMINTI DI BIRA ALGO UNICO

Mirando e entusiasmo cu ta reina entre e candidatanan por bisa for di awor caba cu e eleccion final pa Reina di Coastal sigur e aña aki lo bay ta un eleccion espectacular cu quizas hasta lo por surpasa mes e eleccion pa Reina di Carnaval grandi. Mas aun cu tin como premio maximo un Chevy Monza 1999 di cual ta cua candidata lo no ta desea pa bay cu e premio majestral aki.

Diahuebs anochi na cas di Alvin Koolman prensa por a cera conoci mas di cerca e candidatanan cu lo ta participando na e eleccion aki y caminda cu nan a haya nan number di participacion.

Fotografo Haseth tabata presente caminda el a haci

un entrevista chiquito cu cada un di e candidatanan pa asina e pueblo por cera conoci un tiki mas cu nan

MIJOLI RAS

Tin 20 aña di edad ta bayendo Brown School y ta di signo Libra. E motibo pakico el a dicidi di participa na e eleccion aki ta pa door di e empuhe di su mama, y door cu e tabata gusta participa den carnaval el a dicidi di awor participa pa un eleccion di Reina. Te cu awor segun Mijoli e ta pasando hopi dushi, hopi bon y hopi great.

EMMA TEN HOUTEN

Tin 18 aña di edad y ta di signo Taurus. Su participacion na e eleccion ta debi cu su amiganan a



inscribie y despues el a haya e respaldo di su mama cu a bise cu e ta haye algo hopi leuk. Pa Emma te cu awor tur cos ta bayendo hopi bon, e organizacion ta hopi leuk, e ta un bon teamwork y e ta spera algo grandi di nan tur.

ESTHER VAN DER LINDEN

tin 21 aña di edad, ta bibando na Savaneta y ta di signo Cancer. Manera cu e inscripcion a habri e amigo di Esther, Micheal Douglas a bise pa bay inscribi ya cu e ta algo hopi leuk y el a dicidi di acepta mesora. Pa Esther e preparacionan ta bayendo hopi bon ya cu bo ta conoce hopi hende.

JOLINA CROES ta bay haci 18 aña net despues di carnaval y ta cay bao e signo di Piscis. Jolina ta bibando na Camay y el a bisa cu Ronchi a inspire pa e participa na e certamen y el a dicidi di papie cu su mama cu a acepta pa Jolina participa.

IRIS ROBERT

Di signo Taurus cu 21 aña di dad ta di e bario di Sero Patrishi. Pa Iris ta e mes a dicidi di inscribi ya cu semper e tabata desea di participa den algo asina pa asina yuda nos cultura bira un tiki mas grandi. Preparacion pa Iris ta bayendo hopi bon y hopi leuk ya cu tur ta yudando otro.

JOURAINE VROLIJK

di 19 aña di edad ta di signo Acuario ta bibando na Palm Beach. E inspiracion mas grandi pa Jouraine participa ta e premio grandi cu ta e auto y tambe su mayornan. Pa Jouraine e trainingnan ta bayendo

LIZAYRA POLAK tin 19 aña di signo Tauro ta bibando actualmente na Rooi Afo. Esnan cu a inspira Lizayra pa participa na e eleccion ta su amiganan cu semper a bise pa bay participa. Y door cu el a caba school y cu no tin nada ta strobe el

a dicidi di bay up pa reina y pa Lizayra e trainingnan cu a cuminsa Dialuna ta bay hopi bon.

LILA CROES tin 18 aña ta cay bao signo Geminis ta bibando actualmente na Sabana Liber pero e mes ta di Santa Cruz. Pa Lila su inscripcion tabata algo sorpresa ya cu ora cu el a bay vakantie Hulanda y na su regreso el a haya sa cu e ta inscribi pa participa na e eleccion pa reina di Coastal y di cual el a acepta tambe ya cu tur cos ta di purba, tur cos tin prome biaha. Lila a laga sa cu henter e crew di Knockout ta su tras y nan ta trahando duro duro ariba su preparacionnan.

OMIRA RAS a caba di haci 18 aña di edad y ta di signo Sagitario y ta bibando na Sabana Basora. Esun cu a inspira Omira pa participa den evento aki ta su amiga cu a empuhe y pa Omira ta pa promer biaha e ta participa den un evento asina grandi.

CARNAVAL '99

DIAMOND'S PARTY & NOVELTIES SUPPLIES

Bo supermercado pa articulonan di fiesta tin pa Carnaval e.o.:

Mascarada, fluit, blaas, petchi, tur tipo di slinger, glitter, cups, tayo, napkins, bestek di tur color, cup pa popcorn, tray pa hotdog y hopi mas!

Nos ta sperabo na

DIAMOND'S PARTY & NOVELTIES SUPPLIES